

Pola Timotimo injmbaia mac tiratna timbiŋ rapar Outna kam

Timoti ma Polna aiŋ kabena ramoot, ainda moca Pola manmo gan timbiŋ rapara tirra neaŋga matanŋek. Te, ma watca tipemb kirarir laiŋga ranŋaica mona. Na Timoti, ma ndona ritipacmo kai mo irik teac, na ma Iesus Karaisna kam wembaŋ laŋna kammo wiwitina kai ndarekrekke teac. Na ma Raraŋ Aetaniacna kambmo muruŋa wandonŋ ŋgoinna ranŋairanŋ. Na meikramtaira manmo makukarapa, gŋgira manmo neaŋ te, ma anna moca kai irik mbirac teac, na ma gagraca witikca an aiŋa Raraŋ Aetaniaca manmo neaŋrinanna, an aiŋa moranŋ.

Na Timoti, ma an iroar landamŋi laiŋ kocorta meikramtairta ŋaŋaona kambmo, koara kai tikca warac teac. Ainta kambca ma meikramtairta eteacna watta mo ŋgocrairena. Aintik Timoti, ma Polna tipemb kirarirmo matau lamŋia, anna ranŋairanŋ. Na anna an ritipac gargarna tipemb kirarirapa, iro wewetta eacrenanapa, kabena meikramtairmo matŋirena tip kirarapa, makukarmo mbukraŋna tip kirarap.

**Timoti ma aiŋ gargara mo te, ma Raraŋ
Aetaniacna aiŋna ramoot ndarunandet**

(1–4)

¹ Aku Pol, Karais Iesusna up anŋirena ramoot. Na Raraŋ Aetaniacna tonŋon mbuŋa ma ndo aukmo larapaca, aku mana up anŋirena ramoot ndaruca, meikramtairmo

mbopca mina an iarwarna eteacna watta ma babuatnanmo, an Karais Iesusa rīpacrena meikramtaīrmo neaṅnande.

² Aintik Timoti, u aukna mamatḡina nuoc ṅgoin tik, aku unmo timbiṅ rapara tirca neaṅga makīpek. Te, Raraṅ Aetaniacapa, aina Kacoot Karais Iesusa unmo kadmaica, unmo kakadmaina opotaca moca, una iro inikca moi wewettaca laṅ ndeacnandet.

Aia kam wembaj laṅna moca numbira kai mo teac

³ Na aku Raraṅ Aetaniacmo kam laṅ neaṅrena, na aukna nicar ṅgamrirapa auk, aia manmo mbendeirena, na mana aiṅira morenan. Na aukna iro inikca aku lamḡirena, aku tīpemb ṅgorikta makukara mana lamniac ṅgoutta aku kamaind. Ainda moca aku mouṅapa, raap mbendeirenanna, aku memetmbaca una lamḡirenana. ⁴ Na Timoti, una nananaena timbta moca aku memetmbaca malamḡireke, na unmo mac watna toṅtoṅ ṅgoin, na aku unmo wat te, aku toṅgonandet. ⁵ Na aku matau lamḡirenanna, u Karaismo gidikca rīpacrena. An tīpna kirar kabea una aem Iunisapa nicaū meac Loisa ṅgaua Karaisa rīpacrina kirar. Na mandeacna minna aku una an ritīpac gargarna moca lamḡirena. ⁶ Na aku una iroa moca ṅgep te, an kakadmaina opotaca Raraṅ Aetaniaca unmo neaṅrenanmo, una nikinik iroa moi gagraṅna mona. An kirara ramootta tacmo, wica ma aniaca wīrrina. Na an reac laṅna gargara Raraṅ Aetaniaca unmo neaṅrinanna, na aku ndona para una paṅan nambatta tikrinanna, anna ndoprena. ⁷ Na u lamḡirena, an ḡeroṅa Raraṅ Aetaniaca unmo neaṅrinanna, ma aimo mba mo nanambirena ḡeroṅ. Ma aimo gargar neaṅrenan, na ma aimo moca aia

1:2 Up 16.1, na 1 Ti 1.2 1:3 Up 22.3, na 23.1, na Ro 1.8-9, na Pil 3.5, na 1 Te 1.2, na 3.10 1:5 Up 16.1, na 1 Ti 1.5, na 4.6 1:6 1 Te 5.19, na 1 Ti 4.14 1:7 Lk 24.49, na Up 1.8, na Ro 8.15

kabena meikramtaira matnjirenan, na ma aimo otaca, aia ndorita eteacna watmo mataua raupjirena.

⁸ Ainda moca u aina Kacootna kammo, wiwitina numbira kai mo teac. Na aku kac ngoreaca eacrenanna, aukmo numbira kai mo teac. Na u Raraŋ Aetaniacna, gargar aŋgica aukap kam wembaŋ laŋmo wiwitina aiŋna makuk mbukna. ⁹ Na Raraŋ Aetaniaca aimo mac nda aŋgiri, na ma aimo acrina, te, aia mana meikramtair teacnandet. Na aia morina tipemb kirarir laiŋta moca ma mba lamnjirina, na aimo acrina. Wanaiŋ. Atu ngoinna ma reac ianna mo ngocor ndeacri, ma aimo ndona toŋtoŋ mbuŋa ngacrina. Aintik Karais Iesus mbuŋa ma aimo kadmaica aimo mana meikramtaira moca larurina. ¹⁰ Na mandeacna minna Karais Iesus, ma aimo mac nda aŋgina Ramoot, na ma raekca larurina. Na mana aiŋna moca, Raraŋ Aetaniacna kakadmai toco, raekca eacrena. Ainda moca Karais Iesusa memenacna gargara mo irikrina, na mana kam wembaŋ laŋ mbuŋa, ma moca meikramtaira muruŋcamiŋa iarwarna eteacna watta lamnjirena.

¹¹ Ainda moca gan kam wembaŋ laŋna moca ma tongorina, aintik aku an aiŋa morena. Na ma aukmo Raraŋ Aetaniacna kammo wiwitinan, na mana up aŋgirena ramoot ndaruna, na meikramtairmo riptinan. Ainda moca ma aukmo larapacrina. ¹² Ainda moca aku an makukara aŋgirena. Na aku anna keca, numbira mba morena. Na aku riŋpacrena ramootmo, aku malamjireke. Na aku matau lamnjirena an aiŋ toco, ma aukna para tikrinanna, ma mataua raupjinandet, te, an aiŋa memetmbaca

1:8 Ro 1.16, na Pil 1.7, na Kol 1.24, na 1 Ti 2.6 1:9 Ro 8.28, na Epe 1.4, na 2.8-9, na 1 Te 4.7, na Ta 3.5, na Ib 3.1, na 1 Pi 1.20 1:10 1 Ko 15.54-57, na Kol 1.26, na Ib 2.14, na 1 Pi 1.20 1:11 1 Ti 2.7 1:12 Epe 3.1-2, na 1 Ti 6.20, na 2 Ti 4.8, na 1 Pi 4.19

laŋ ndeacraŋnandet, taŋca Karaisna kikipna Ra aniac kipunandet.

¹³ Ainda moca u matau lamŋi, an kamb laŋga aku unmo neaŋrinanna, u an tipna kirar mbuŋa u kambmo wandoŋa wiwitica meikramtairmo neaŋ. Na u Karais Iesusmo gagraca ripaca, na ndona mamatŋimo mamoneaŋ te, an tipna kirar mbuŋa u minmo kambmo wiwitica mbop. ¹⁴ Na an kam wembaŋ laŋa Raraŋ Aetaniaca una para tikrina, na u anmo raupŋi. Na ma reac laŋ ŋgoin, aintik u manmo mataui raupŋiraŋ. Na an ŋeroŋ Ratta aiap eacrenanna, ma unmo an aiŋa otacnandet.

¹⁵ Na u lamŋirena, Esiana pitrikna meikramtaira muruŋcamiŋa aukmo iŋ neaŋrinan, na Pigelusapa Iermogenes toco, aukmo iŋ neaŋrina.

¹⁶ Ri, aku Raraŋ Aetaniacmo mbendeia ma Onesiporusapa, mana kacnimnanmo, kakadmaina opotaca monande. Na memetmbaca Onesiporusa aukna nikinik iroa laŋa moca wewettarena, na aku kac ŋgoreac ndeacrenanna, ma mba numbira morenan. Wanaiŋ. ¹⁷ An minna ma auŋ aniac Romna kipatke, ma aukmo watna toŋtoŋap, aintik ma gagraca aukmo ore taŋ, taŋga iŋmbaia ma aukmo watrina. ¹⁸ Ainda moca aku Kacootmo mbendeia, ma manmo Raraŋ Aetaniacna ritri waparacna ra aniac laru te, ma manmo kakadmaina opotaca monandet. Na u matau lamŋirena, Onesiporus, ma aukmo otaca airjir wit aniac Epesus, auŋ aniac tikca moatna.

2

Timoti ma Karais Iesusna lapoca ruŋrena ramoot laŋ ndeac

1:13 1 Ti 1.10, na 4.6, na 6.3, na 2 Ti 2.2, na 3.14, na Ta 1.9, na 2.1, na lb 10.23

1:14 Ro 8.11, na 1 Ti 6.20 1:16 2 Ti 4.16, na 4.19 1:18 lu 1.21

¹ Aintik aukna nuoc Timoti, memetmbaca u Karais Iesusna kakadmaimo wattacarica ma unmo, mo gagrana.

² Na an kambca aku meikramtaïrmo muruŋcamiŋna lamnikta outta tikca wiwitiatnanna, u waracrinanmo, anmo u Raraŋ Aetaniacna meikramtaïra mana kammo utiŋga gagraca eacrenanmo neaŋ. Te, mina kabena meikramtaïr motocmo riptina.

³ Te, u Karais Iesusna lapoca ruŋrena ramoot laŋ ndeaca, an aiŋirta makukar aia kabena ramtaïra mbukrenanna, u toco anna mbuknande. ⁴ Na u lapoca ruŋrena ramtaïrta tipemb kirarira u lamŋirena. Mina an aiŋa mo te, mina kabena aiŋa mba morena. Mina lapoca ruŋrena aiŋ niŋgikca morena, te, mina lapoca ruŋrena ramoot paŋanna, an aiŋa toŋgonandet. ⁵ Na ramootta katum ŋgot te, ma mana tipemb kirarira raŋgai, na wanaiŋ ecte, ma katum ŋgotrena gagamma, ma mba aŋgiiŋndai. ⁶ Na ramootta wariŋna aiŋ aniacna moca, reik mbataca minmo raupŋirenan, ma an wariŋna amta reikca ma ndo ŋgoinna outta tikca aŋgiiŋndet. ⁷ Na an kambca aku unmo mboprenanna, u lamŋirena, te, Kacootta una iro landamŋimo mo piarnandet. Na u an reikta miniŋta kambca u muruŋcamiŋa lamŋinandet.

⁸ Aintik memetmbaca u Iesus Karaisna lamŋiraŋ, ma menaca ma mac nda ŋgepatna, na ma Gagrirta Ramoot Paŋan Dewitna wiwitnan. An kam wembaŋ laŋa, aku wiwitica mboprena kirar ŋgoin. ⁹ Na an kam wembaŋ laŋa, aku man wiwitica mboprenanna, anna miniŋna moca meikramtaïra aukmo ramoot ŋgoreac ndoprena. Ainda moca mina aukmo ainta makukara neaŋrena, na

2:3 1 Ti 1.18, na 2 Ti 1.8, na 4.5 2:4 1 Ko 9.25 2:5 1 Ko 9.25-26, na 2 Ti 4.8 2:6 1 Ko 9.7, na 9.10 2:8 Ro 1.3, na 2.16, na 1 Ko 15.1, na 15.4, na 15.20 2:9 Up 9.16, na 28.31, na Epe 3.1, na 3.13, na Pil 1.7, na 1.12-14, na Kol 4.3, na 4.18

aukmo kac ngoreaca tikrina. Na Raraŋ Aetaniacna kamma, ma mba kac ngoreaca eacitndai. ¹⁰ Ainda moca aku ndona nikinik iroa moca gagraca an makukara muruŋa mbukrena, te aku Raraŋ Aetaniacna meikramtaira ma ndo riacrinanmo otacnan. Na aku tongorinanna, meikramtaira Karais Iesusa minmo mac nda aŋginanna, mina iarwarna eteacna wat aŋgi te, mina manap iarwara laŋ ndeacraŋnandet.

¹¹ Na gan kamma aku mbopeknanna, anna kam gidik ngoin.

“Aintik ai manap menac te,
ai toco manap iarwara eacraŋnandet.

¹² Na aia gagraca witikca,
makukara mbuk te,
ai toco manap gagrirta ramtair paŋainda laruca eacnandet.

Na aia manmo iŋ neaŋ te,
ma toco aimo iŋ neaŋnandet.

¹³ Na aia mana raŋgaina kam leaca,
mamo raŋgai ngocor te,
aina an kamma ma mbopatnanna,
ma raŋgainandet.

Aintik ma mbopatna mana kamma,
ma mba ngetrikitndai, wanaiŋ ngoin.”

Timoti ma aiŋ gargara mo te, ma Raraŋ Aetaniacna aiŋna ramoot ndarunandet

¹⁴ Ainda moca u memetmbaca meikramtairmo, an kammo lamŋina moca minmo otac. Na Raraŋ Aetaniacna lamniac ngoutmo, u minmo mbopca mina titocna kambta

2:10 2 Ko 1.6, na Epe 3.13, na Kol 1.24 2:11 Ro 6.5, na 6.8, na 2 Ko 4.10-11,
na 1 Ti 1.15 2:12 Mt 10.33, na Lk 12.9, na Ro 8.17, na 1 Pi 4.13 2:13
Ndu 23.19, na Ro 3.3-4, na Ta 1.2 2:14 1 Ti 1.4, na 5.21, na 6.4, na Ta 3.9

kambca kai ipuji mbop teac. Na an kamma meac, co, ramoot ianna mba otacitndai. Wanaiŋ ŋgoiin. Na meac, co, ramootta an kamma memetmbaca waracrenanna, ma minmo mo ŋgocrainandet.

¹⁵ Aintik u gagraca aiŋa mo te, Raraŋ Aetaniaca ma una aiŋa tongonandet. Na u Raraŋ Aetaniacna kamma u gidikca wandoŋ ŋgoinna wiwiti, na u mana lamniac ŋgoutta, u numbir kocor. ¹⁶ Na Raraŋ Aetaniacna iroa ranŋai ŋgocorta kamb ŋgorikmo, u iŋ neaŋ. Na ainta an kambca, ma meikramtairmo anŋi taŋca Raraŋ Aetaniacmo iŋ neaŋna taupca tikraŋnandet. ¹⁷ Na ainta kamma ma gamurmurna pit ŋgoreacna kirar, na ma tawaŋga acnaica taŋrena, te, ma ramootta mo ŋgocraina min. Na an kam ndoprena ramootniŋa Eimeneusapa, Piletus. ¹⁸ Na maniŋa kam gidikna taupmo tikcarica maniŋa aindoprena, “Raraŋ Aetaniaca menacrina meikramtair ndeidmo, muk ŋgetacndiŋa nda mo ŋgeprinan. Aintik iŋmbaia aia muk ŋgetacndiŋa mba mac nda ŋgepitndai.” Na an kam mbuŋa mina meikramtair ndeidta ritipaikca mo ŋgocrairena.

¹⁹ Ainda moca Raraŋ Aetaniac, ma ndona Iesusna ritipaikta meikramtairta tumbunmo, wit gargara anŋi witikri, na an witta ma witikca eacrena. Na an wit nambatta ma gainda turrina, “Kacootta ma ndona meikramtairmo ma matau lamŋirena.” Na gan kam tip toco ma tiratna, “Meikramtaira muruŋcamiŋa Kacootna i anŋirenanna, mina tipemb ŋgorikta makukarmo iŋ neaŋ.”

²⁰ Na kac aniac ianna inikca mina tuongour ndeida mina golapa, silwa mbuŋa morenan, na ndeida mina

2:15 1 Ti 4.6, na Ta 2.7-8 2:16 1 Ti 4.7, na 6.20, na Ta 1.14 2:17 1 Ti 1.20
 2:19 Ndu 16.5, na 16.26, na Ais 52.11, na Nau 1.7, na In 10.14, na 10.27, na Ro 8.35, na 1 Ko 8.3, na 1 Io 2.19 2:20 Ro 9.21, na 1 Ko 3.12, na 1 Ti 3.15

ikapa, tiacarpaik mbuḡa morinanna anna eacrena. Na ndeid puḡa mina aiḡir anik laiḡa morenan, na ndeida mina kabena ainta aiḡira morenan. ²¹ Aintik ramootta ndona tiḡemb ḡgorikta makukara mo kecarica, ma Raraḡ Aetaniacna lamniac ḡgoutmo rat ndaru te, ma an golapa, silwana tuoḡa mina aiḡ laḡa morena kirar ḡgoin toc ndarunandet. Na ma Raraḡ Aetaniacna ramoot ḡgoin ndeacnandet. Na ma ndona Kacootmo otacna miḡn. Te, kaina aiḡ laḡa kiḡ te, ma kocroca ma monandet.

²² Ainda moca memetmbaca u ramtaiḡ ḡgaibta nikinik iroarta ainta tiḡemb ḡgorikta kirarirmo iḡ neaḡ. Te, u aiḡa moa tiḡ kirar laḡ wandoḡ aḡḡi, na Raraḡ Aetaniacna riḡpacrena tiḡ kirarapa, kabena meikramtaiḡa matḡjirena tiḡ kirarapa, nikinik iro wetwetna tiḡca u aḡḡi. Ainda moca ne muruḡcamiḡa an tiḡemb kirarirmo moraiḡ, na unapa meikramtaiḡa Raraḡ Aetaniacna lamniac ḡgoutmo rat ndeacrenanna, ne Kacootna imo mbendeiraḡ, na manmo raḡḡairaḡ. ²³ Na iroar laiḡ kocorta ramtaiḡmo, u mina kambmo ndona koara kai tiḡka, mina kamb ḡgorikca kai warac teac. Na u lamḡjirena, ainta kambca ma kaega morena kammaḡa, runduḡa morenan. ²⁴ Ainda moca Kacootna aiḡa morena ramootta ma kaega morena kamma kai mo teac, na ma kai ruḡ teac. Ma meikramtaiḡmo muruḡcamiḡa tiḡemb kirarir laiḡa mo. Na meikramtaiḡa mana kamma warac ḡgocor te, ma ndona nikkakatmo kiḡtaci irikca ma taup laḡna ore a meikramtaiḡmo Raraḡ Aetaniaca toḡgorena tiḡembta kirarira riptina. ²⁵ Na meikramtaiḡa kammo nda mboprenanmo, ma minmo laḡanna mbopca mina iroara wandoḡaina. Na ma ainda mo te, Raraḡ Aetaniaca ma minmo otacnandet, te,

2:21 2 Ti 3.17, na Ta 3.1 2:22 Up 9.14, na 1 Ko 1.2, na 1 Ti 1.5, na 6.11

2:23 1 Ti 4.7, na 2 Ti 2.16, na Ta 3.9 2:24 1 Ti 3.2-3, na Ta 1.7-9, na 3.2

2:25 Gal 6.1, na 1 Ti 2.4, na 6.11, na Ta 1.1, na 1 Pi 3.15

mina iroar inkar ηgetrikica kam gidikna landamņi laņ anņinande. ²⁶ Aında moca Paparuna Ramootta ma minmo ndona weaņ mbuņa minmo maanņiat, te, minmo moca mina mana kammo ranņaina. Na u minmo kam gidikmo ripti te, mina iroar piarca raek ndaruca laņa monandet, na mina Paparuna Ramootna weaņ tikcarica mina makukar kocor teacnandet.

3

Gan tiacarpaikna mamaina ra kīpca rambuņai te, meikramtaīra tīpemb kirarir ηgorikca moranņandet

¹ Aında moca u gaidn damņi, gan tiacarpaikna mamaina ra kīpca rambuņai te, makukar wit ηgorik koinda larurannde. ² Te, meikramtaīra ndorita toņtongar tiņgikca ranņairannde, na mina kituknduk anņina toņtoņ ηgoin. Na mina ndorita irembca anņi ηgep te, mina kamma mba waracitndai, na mina kaega monande, na kabena meikramtaīrmo peperena kamb ηgorikca mbo-prannde. Na mina ndorita aemeraeterta kambca mba waracitndai, na meikramtaīra minmo tīpemb kirarir laiņa morinan, na mina minmo kam laņa mba neanņitndai, na Raraņ Aetaniacna tīpemb kirarirmo, mina iņ neanņandet. ³ Na mina kabena meikramtaīrmo, ac tikna iroar laiņgap kocor, na mina kaegna kamma mo te, an kaega wandonņaina taupemb kocor. Na kabena meikramtaīrmo mina minmo ndoņdoņ rapacrena. Na mina ndorita tikna toņtoņa mba ranņaitndai, na mina ruņca kabena meikramtaīrmo mo ηgocrainandet. Na tīpemb kirarir laiņa mina manmo puņnanņepca monandet. ⁴ Na mina ndorita aikndamtaīrmo, mina minmo

3:1 1 Ti 4.1, na 2 Ti 4.3, na 2 Pi 3.3, na 1 Io 2.18 3:2 Ro 1.29-31, na 1 Ti 1.20, na 6.4, na 2 Pi 2.3, na 2.12 3:3 Ta 2.3, na 2 Pi 3.3 3:4 Pil 3.19, na 2 Pi 2.13, na lu 1.4, 19

típemb kirarir ngorikca monandet. Na mina ndorita iroar ngorikmo, tawi ngoinna rangairannde. Te, mina gaind ndamnjinandet, mina ndori irembapna ramtaír anik. Na mina Rarañ Aetaniacmo mba tongoitndai, na mina gan tiacarpaikna tongorena ainta típemb kirarirmo mina toñgorañnande. ⁵ Te, mina Rarañ Aetaniacna típemb kirarirmo mina ndorita tikemb tingik puñga rangainandet. Na mana típemb kirarir gidkara eacrena gargar aniaca mina emtemma mba lamñiitndait. Aintik ainta ramtaíra u minmo iukaia tawan ndeacrañ.

⁶ Na ainta ramtaíra mina taupembta koreca iroar laiñ kocorta meikta kaikca mbukna morenan, te, minmo wai aoca mina iroarta nginañga monande. Na an meikca mina típemb ngorikta makukar witta morinan, na an makukna makukara mina mbukca watrinan. Na ma mina nikinik iroar mo ngepca minmo wiñga mina miniñ kocorta típemb kirarira morenan. ⁷ Na ainta meikca mina riptiar angina toñtongar anikap, na mina Rarañ Aetaniacna kam gidikca mina landamñi angina minna wanaiñ. ⁸ Ainda moca atua Ianesapa Iambresa, maniña Mosesmo puñnangepca mori. Na an kirar kabea morena ramtaíra, mina kam gidikmo puñnangepca morena. Na mina iroara ñañoari, na mina Rarañ Aetaniacmo gidikca mba ripacrena.* ⁹ Na mina an típemb kirarira, ma mba acnairi. Wanaiñ ngoin. Aintik meikramtaíra muruñcamiña wat te, mina típemb kirarira muruñcamiña ñaño

3:5 Mt 7.15, na 7.21, na Ro 2.19-20, na 2 Te 3.6, na 1 Ti 5.8, na 6.5, na Ta 1.16 3:6 Mt 23.14, na Ta 1.11 3:8 NA 7.11, na Ro 1.28, na 2 Ko 13.5, na 1 Ti 6.5, na 2 Ti 2.25 * 3:8 Na Mosesna minna ma Isip ndeacri, Iudanangepca mina gainda ninirena, Ianesapa, Iambres anna Isipna gagrirta ramoot pañanna reik típembmo wacica angirena ramootniñ. Na u Nda Anñiatna timbigta kap sapta 7 wes 22, na sapta 9 wes 11na inikca wat.

ngoin. An kirara atua meikramtaira watrinanna, lanesapa lambres mbanija morena njanjanona tipembta kirarir.

Timoti ma Raraŋ Aetaniacna kammo utija gagra

¹⁰ Na u aukap eacri, u aukna tipemb kirarira u lamjirena, aku meikramtairmo Raraŋ Aetaniaca tongorena tipemb kirarira aku minmo riptirena. Na aku tajrena tipemb kirarirapa, mana minijna tipemb kirarirmo, u muruŋcamiŋa lamjirena. Na u lamjirena aku Raraŋ Aetaniacmo gagra ripacrena, na memetmbaca aku ndona nikinik iroa moi gagra aiŋira morenan, na aku kabena meikramtairmo matjirenan, na aku gagra witikca, makukara mbukrena. ¹¹ Na meikramtaira aukmo morina tipemb ngorikcapa, gigitara muruŋcamiŋa aukmo Antiokapa, Aikoniammapa, Listara tikca aku mbukrenanna u lamjirena. Na an reik ngorik koindara mina aukmo an aujembca tikca morinanna u lamjirena. Na Kacootta aukmo an makukar witmo otaca aku laŋ ndeacrena. ¹² Gidik ngoin, meikramtaira muruŋcamiŋa Karais Iesusmo mikna morenanapa, Raraŋ Aetaniacna tipemb kirarirmo ranŋaina morenanna, meikramtaira minmo tipemb ngorikca monandet. ¹³ Na meikramtair ngorikcapa, paparuna ririptia morena ramtaira mina meikramtairmo paruraŋnandet. Ainda moca meikramtair ngorik toco, mina paruraŋnandet, na mina tipemb kirarira kocnai ngocrainandet.

¹⁴ Na un ngoinna u an kammo u anŋirinanna, na u anna ripacrenan, na u anmo utiji gagara. Na meikramtaira unmo riptiar neanŋatnanna, u minmo mataua lamjirena.

¹⁵ Na an minna u nuoc teker ndeacrinanna, u lamjirena, u

3:10 Pil 2.22, na 1 Ti 4.6 3:11 ŋap 34.19, na Up 13.14-52, na 14.1-20, na 2 Ko 1.10 3:12 Mt 16.24, na In 15.20, na 17.14, na Up 14.22, na 1 Te 3.3

3:13 2 Te 2.11, na 1 Ti 4.1, na 2 Ti 2.16 3:14 1 Ti 1.13, na 2.2 3:15 In 5.39, na 1 Pi 1.20-21

Raraŋ Aetaniacna Timbigta Kap rat mbuŋa u an landamŋi aŋgiatna. Na an Timbigta Kapca unmo iroar laiŋga neaŋna min, te, u Karais Iesusa riŋpacna, na Raraŋ Aetaniaca unmo mac nda aŋgĩnande. ¹⁶ Na Raraŋ Aetaniacna Ŋeroŋa ma ndo ŋgoinna, an kambca Raraŋ Aetaniacna Timbigta Kap ndeacrena kammo, moca larurina. Aintik an kamma ma reac laŋ ŋgoin, ma aimo kam gidikna riptia neaŋrena, na ma iroar laiŋ kocorta meikramtaĩrmo wandoŋairena, na aina mbibirac eteaca wandoŋairena, na aimo Raraŋ Aetaniacna lamniac ŋgoutta tiŋpemb kiraririmo wandoikca mona riptirena. ¹⁷ Ainda moca an kamma aimo Raraŋ Aetaniacna meikramtaĩrmo, moca aia tiŋpemb kirarir laiŋmo muruŋa aŋgĩrinanna, na aimo ma mo kocroca aia aiŋir laiŋmo muruŋa mona.

4

Timotia ma Raraŋ Aetaniacna kammo gagaraca wiwitina

¹ Aintik Raraŋ Aetaniacna lamniacapa, Karais Iesus, ma meikramtaĩra muruŋcamiŋa menacrinanapa, menac ŋgocortanna, ma toco mina tiŋpemb kirarira ritrinandet. Na aku unmo gagara aind mambopek, Karais Iesus, ma meikramtaĩrmo muruŋcamiŋa lamnikmo raek ndarunandet, na ma memetmbaca gagrirta ramoot paŋanna eacraŋnandet. ² Ainda moca u mana kammo gagraca wiwitiraŋ. Na meikramtaĩra mana kammo waracna kocrori, co, kocro ŋgocor, u memetmbaca Karaisna kammo gagraca wiwitiraŋ. Na u minmo kam gargar neaŋca mina iroara riŋga, mina iroara moi ŋgepca mina iroar inkar uriraca Raraŋ Aetaniacna

3:16 Ro 15.4, na 2 Ti 2.21, na 2 Pi 1.20-21 3:17 1 Ti 6.11, na 2 Ti 2.21
 4:1 Up 10.42, na Ro 14.9-10, na 1 Ti 5.21, na 6.13 4:2 Up 20.20, na 20.31,
 na 1 Ti 4.13, na 5.20, na Ta 1.13, na 2.15

típemb kirarira ranġaina. Aında moca u memetmbaca u minmo lajan wetwetta minmo Raraġ Aetaniaca tonġorina típemb kirarirmo mataui riptiraġ. ³ Na u warac, iġmbaia meikramtaira mina kamb wandoikmo, mba mac tonġoca waracitndai. Wanaiġ ngoin, mina koura ainta kamb ngoricka waracna tonġon ngoinap, te, mina ramtair witmo anġica mina tonġorena kammo riptica mina waracna. ⁴ Aında moca mina kam gidikmo iġ neanġa mina ninini wanaiġmo kourmo tikca waracrena. ⁵ Na memetmbaca u ndo u lamġi piarnande. U makukarapa, ġiġirara u mbuknandet. Na u kam wembaġ laġna aiġa moca, meikramtairmo wiwituraġ. Na u meikramtairmo opotacna aiġap, na u an aiġmo gidicka mo.

Pola menacna rambuġairi

⁶ Na u lamġirena aku menacna rambuġairi, na aukna racaindpaicka kactaca ma an wainna mina Raraġ Aetaniacmo ġimbamba neanġrena kirar. Na aku nenmo tikcarina ra kipcra marambuġairi. ⁷ Aında moca aku runduġ laġmo aku marunġat, na aku opot laġa katumrina. Na mandeaca aku mana mamamaina minna maanġiat. Na Raraġ Aetaniacna ritipaca aku utiġga gagraca eacrena. ⁸ Na mandeac an katumna gagamma ramootta outta tik te, ma anġinanna, ma aukmo kocroca lambica eacrena. Na outta tikrena gagamma gaind, Kacootta aukmo ramoot wandon laġ ndopnandet. Na Kacootta ma típemb kirarir wandoik laiġ tiġgicka ranġairena, na meikramtairta típemb kirarira ma ritirena. Na mana ritri waparacna ra, ma aukmo an outta tikrena ramootna gagamma, neanġnandet.

4:3 1 Ti 1.10, na 4.1, na 2 Ti 1.13, na 3.1, na 3.6 4:4 1 Ti 1.4, na 4.7, na Ta 1.14 4:5 Up 21.8, na Epe 4.11, na 2 Ti 1.8, na 2.3 4:6 Pil 1.23, na 2.17, na 2 Pi 1.14 4:7 1 Ko 9.24-25, na Pil 3.14, na 1 Ti 6.12, na Ib 12.1 4:8 1 Ko 9.24-25, na 2 Ti 1.12, na 1e 1.12, na 1 Pi 5.4, na KIEK 2.10

Na ma aukmo ndo kabea mba nearjitndai. Wanaiŋ. Ma an meikramtaira mana watna toŋtoŋ aniacapa, mamó lambica ma raekca laruca ma mímó nearŋandet.

Pola Timotimo ndo ndambuŋa tawi ŋgoinna taŋna

⁹ Na Timoti, u auk ndambuŋmo towai gagraca tawi ŋgoin nakíp. ¹⁰ Na u warac, Demasa ma gan tiacarpaikna tìpembta kirarira toŋgorenan tik, ma aukmo tikcarica Tesalonika auŋ aniacá matanŋat. Na Karesens, ma Gale-siana pitrik aniacá matanŋat, na Taitusa ma Dalmesiana pitrik tekera matanŋat. ¹¹ Aintik Luka ma ndo kabea aukap eacrena. Aínda moca u Makmo anŋica ma unap kíp, ma aukmo otaca aiŋa mona ramoot laŋ. ¹² Na Tikikusa aku manmo, mandaca ma Epesus auŋ aniacá matanŋat.

¹³ Na u kípna mo te, u aukna tik ŋgapaoc rocotta aku Toroas auŋa tikcarinanmo anŋica kíp, na ma Karpusna kac ndeacrena. Na timbigta kaipa mína amta ŋgoaebta iŋir puŋga morinanna, u anmo ndarekrekke nari, an timbigta kaipa u anap anŋica kíp.

¹⁴ Na baras mbuŋa reikca morena ramoot, Aleksander, ma aukmo reik ŋgorik wítta morina. Aínda moca iŋmbaia Kacootta manmo an tìpemb kirarira ma morinanna, nda rutica manmo mo ŋgocrainandet. ¹⁵ Na u toco, u mana moca mamó matau wat, ma aína kammo ipuŋga gagraca nda mboprina.

¹⁶ Na out ŋgoinna aku ndona wawara ritri waparacna kam ndopri, ramoot ianna aukap mba wítikca aukmo otaca mbopri. Wanaiŋ, mína muruŋcamiŋa aukmo

4:9 2 Ti 1.4 4:10 2 Ko 8.23, na Gal 2.3, na Kol 4.14, na Pm 1.24, na Ta 1.4, na 1 Io 2.15 4:11 Up 12.12, na 12.25, na 13.13, na 15.37-39, na Kol 4.10, na 4.14, na Pm 1.24 4:12 Up 20.4, na Epe 6.21-22, na Kol 4.7-8 4:13 Up 20.6 4:14 ŋap 28.4, na 62.12, na ML 24.12, na Up 19.33, na Ro 2.6, na 1 Ti 1.20, na KIEK 18.6 4:16 Up 7.60, na 2 Ti 1.15

tikcariatna. Na aku Raraŋ Aetaniacmo mbendeia, ma mina an tipemb ŋgorikta moca anna kai lamŋi teac. ¹⁷ Aında moca Kacootta ma ndo kocroca, aukmo gargara neaŋrina. Aintik aku kam wembaŋ laŋmo wiwitica minna tikri, na Iudana meikramtair wanaiŋa muruŋcamiŋa waracrina. Na Kacootta aukmo amna ŋgoaem, laionna upa tikca maanŋiat. ¹⁸ An kirar mbuŋa mina aukmo tipemb ŋgorikca moeknanna, Kacootta aukmo mac nda anŋinandet. Te, ma aukmo laŋa mona moca, aukmo ndona bubuocrena tamuŋna auŋ naanŋi taŋnandet. Na aia mana i aniacmo memetmbaca iarwar naanŋi ŋgepraŋnandet. Na anna gidik.

¹⁹ Na u aukna ra laŋmo Pirisilaapa, Akuwila manijmo neaŋ, na Onesiporusna kacnimnanmo neaŋ. ²⁰ Na Erastus, ma Korin auŋ aniac maeacreke, na Toropimusa ma roumbap tik aku mamu auŋ aniac Miletusa tikcamacariri. ²¹ Na u gagraca tawi kip. Na u lambi te, laemba kipnandet.

Na Iubulusapa, Pudensapa, Linusapa, Kilodiaapa, Iesusa ripacrena laiplacara muruŋcamiŋa unmo ra laŋ neaŋrina.

²² Aintik Kacootta una ŋeroŋap eac. Na mana kakadmaica nenap muruŋcamiŋa eacnandet.

4:17 Iŋap 22.21, na Dan 6.22, na Up 23.11, na 27.23, na 2 Pi 2.9 4:18 Iŋap 121.7, na Ro 11.36, na Gal 1.5, na Ib 13.21 4:19 Up 18.2, na 2 Ti 1.16-17
4:20 Up 19.22, na 20.4, na 21.29, na Ro 16.23

Rararj Aetaniacna Kam Wembarj Larj
New Testament in Mborena Kam language
Nupela Testamen long tokples Mborena Kam long Niugini

Copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Feb 2021 from source files dated 10 Feb 2021

8e1073ed-d2dc-5f3a-bb48-5406185123a7